



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 69. stav 2. tačka d) i 70. stav 1., 4. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), u otvorenom postupku za zimsku službu na lokalnim i nerazvrstanim putevima za sezonu 2025/2026 i 2026/2027, za LOT 4 – Grupa 4: Vranduk – Koprivna – Gladovići, Nemila – Orahovica, Gradonačelnik donosi:

ODLUKU

o poništenju postupka javne nabavke za zimsku službu na lokalnim i nerazvrstanim putevima za sezonu 2025/2026 i 2026/2027, LOT 4 - Grupa 4: Vranduk – Koprivna – Gladovići, Nemila – Orahovica

Član 1.

Poništava se otvoreni postupak za zimsku službu na lokalnim i nerazvrstanim putevima za sezonu 2025/2026 i 2026/2027, za LOT 4 – Grupa 4: Vranduk – Koprivna – Gladovići, Nemila – Orahovica, iz razloga što izabrani ponuđač POROBIĆ d.o.o. Zavidovići nije dostavio dokumentaciju po čl. 45 ZJN u roku koji mu je odredio Ugovorni organ, a u skladu sa članom 68. stav 2. tačka d) Zakona o javnim nabavkama.

Ovom Odlukom stavlja se van snage Odluka o izboru najpovoljnijeg ponuđača broj: 02-11-11851-5/25 od dana 30.07.2025. godine.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-02-11-11851/25 od 26.05.2025. godine. Obavještenje o nabavci broj: 1355-1-2-60-3-104/25 objavljeno je na Portalu javnih nabavki dana 03.06.2025. godine, kao i u Službenom glasniku BiH broj: 37/25 od 20.06.2025. godine.

Procijenjena vrijednost za predmetnu nabavku za LOT 4 - iznosila je 227.377,00 KM bez PDV-a.

U otvorenom postupku za zimsku službu na lokalnim i nerazvrstanim putevima za sezonu 2025/2026 i 2026/2027, za LOT 4 – Grupa 4: Vranduk – Koprivna – Gladovići, Nemila – Orahovica učestvovala su dva ponuđača: „POROBIĆ“ d.o.o. Zavidovići i „ALMY-TRANSPORT“ d.o.o. Zenica.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponuđač "ALMY-TRANSPORT" d.o.o. Zenica je dostavio ponudu za LOT 4 u iznosu od 236.813,71 KM bez PDV-a, a što je iznad procijenjene vrijednosti za LOT 4 koja je iznosila 227.377,00 KM bez PDV-a, te se ponuda ponuđača "ALMY-TRANSPORT" d.o.o. Zenica smatra neprihvatljivom u skladu sa članom 2. stav 1. tačka 1. alineja 2) Zakona o javnim nabavkama. Shodno tome ponuda ponuđača "ALMY-TRANSPORT" d.o.o. Zenica za LOT 4 se odbacuje u skladu sa članom 68. stav 4. tačka i) Zakona o javnim nabavkama.

Ugovorni organ je donio Odluku o izboru najpovoljnijeg ponuđača broj: 02-11-11851-5/25 od dana 30.07.2025. godine, zaprimljena kod ponuđača 01.08.2025. godine.

Navedenom Odlukom propisana je obaveza izabranom ponuđaču POROBIĆ d.o.o. Zavidovići da u roku od 5 dana od prijema Odluke o izboru najpovoljnijeg ponuđača dostavi dokumentaciju iz čl. 45 Zakona o javnim nabavkama na način naveden u tački 3.4. tenderske dokumentacije.

Izabrani ponuđač POROBIĆ d.o.o. Zavidovići je dana 14.08.2025. godine dostavio traženu dokumentaciju, odnosno 13-ti dan od dana zaprimanja Odluke, a što nije u skladu sa rokom određenim u Odluci o izboru najpovoljnijeg ponuđača broj: 02-11-11851-5/25 od dana 30.07.2025. godine i tenderskoj dokumentaciji, stoga se njegova ponuda odbacuje u skladu sa čl. 68 stav 4 tačka j) ZJN.

S obzirom da u provedenom postupku nije bilo drugih prihvatljivih ponuda, Ugovorni organ poništava postupak u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-11851-9/25

Datum: 20.08.2025. godine

DOSTAVLJENO:

2 x Ponuđači

1 x Služba kabineta Gradonačelnika

1 x Tenderska dokumentacija

1 x a/a



GRADONAČELNIK:

Fuad Kasumović

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba